

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

1/2001

2.2.2001.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik

I – AKTI OPĆINSKOG VIJEĆA

Na osnovu člana 55. stav 1. tačka 2., a u vezi sa članom 66. stav 1. Statuta Općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 11.sjednici od 1.2.2001.godine, usvojilo je

PROGRAM RADA

Općinskog načelnika za 2001.godinu

I – U V O D

Program rada Općinskog načelnika Zavidovići za 2001.godinu koncipiran je u okvirima mogućnosti i nadležnosti Općine u društveno-političkom sistemu, ustavnom uređenju Bosne i Hercegovine, nadležnosti Općine i samog načelnika koji su utvrđeni Ustavom, Zakonom i Statutom općine Zavidovići, a sve u okvirima društveno-ekonomskih mogućnosti općine Zavidovići.

Pored ostalog, opredjeljujućeg, osnovni element koji determiniše Program rada Općinskog načelnika sadržan je u Programu rada Općinskog vijeća Zavidovići za 2001.godinu, kojim su uglavnom date smjernice rada Općinskog načelnika kao predlagača.

Složena situacija u Bosni i Hercegovini obavezuje Općinskog načelnika za dodatnim angažovanjem u iznalaženju rješenja trenutnih teškoća kao i teškoća koje će nastupiti u narednom periodu.

Mnoga ostvarenja ili bolje reći nadanja iz prethodnog perioda nisu kvalitetno popravila situaciju, jer je ostalo niz neriješenih posljedica otkupa stanova, privatizacije, poboljšanja položaja preduzeća i javnih ustanova.

Nepovoljna struktura malih ili srednjih preduzeća nije apsorbirala radno sposobno stanovništvo. "Biznis" na našem području se uglavnom svodi na usluge i to prvenstveno ugostiteljske i trgovačke, uglavnom u maloprodaji.

U prethodnom periodu uglavnom je putem donatorskih sredstava izvršena sanacija oštećenih i devastiranih objekata, tako da se u određenim segmentima življenja stvoreni kvalitetniji uslovi u odnosu na predratno stanje (zdravstvo, obrazovanje, putne komunikacije itd.).

I u ovom dijelu potrebno je istaći da nije bilo kvalitetnih ulaganja u proizvodne kapacitete državnog i privatnog sektora što je osnovni razlog ovako nepovoljnog stanja.

U vezi s tim, a na globalnom planu razvoja Općine odavno se osjeća nedostatak dokumenta koji bi opredijelio budući razvoj općine Zavidovići. Rješenja i mjere se uglavnom donose palijativno-zavisno od trenutne situacije. Isto tako u mnogim segmentima života nedostaje neophodna zakonska regulativa pa samim tim i mnoge stvari iz nadležnosti Općine nisu kvalitetno normativno regulisane. U narednom periodu očekuje se zaoštavanje odnosa

pogotovo u sferi socijalne sigurnosti građana, jer neophodni procesi transformacije svih segmenata života nisu kvalitetno i do kraja provedeni. Očekivani efekti "male privatizacije" nisu ostvareni, a "velika privatizacija" bez strateškog partnera pogotovo IP "Krivaja" može polučiti iste efekte.

Izmjene stopa u domenu fiskalne politike, odnosno smanjenjem određenih stopa negativno se odrazilo na alimentiranje Budžetskih prihoda što se opet negativno odražava na ispunjenje obaveza prema Budžetskim korisnicima. Izvorni prihodi su smanjeni, a smanjena su i povratna sredstva Zeničko-dobojskog kantona.

Bez obzira na ove konstatacije mora se reći da su stvoreni uslovi po pitanjima razreza poreza, pogotovo poreza po Zakonu o porezima ZE-DO kantona odnosno odgovarajućoj odluci Općinskog vijeća.

Nedostatak globalnih smjernica budućeg razvoja općine Zavidovići u mnogome otežava rad Općinskog načelnika pa i Općinskog vijeća, a samim time i izradu Programa rada tako da postoji niz nepoznanica na koje se u budućem periodu treba računati, a među njima se naročito ističu pitanja:

1. Kako i na koji način doći do kvalitetnog kapitala za saniranje obrtnih sredstava u privredi općine?
2. Na koje izvore računati u slučaju sačinjavanja socijalnog programa?
3. Kako preduprijediti socijalne potrebe u situaciji nedostatka sredstava?
4. Na koji način izvršiti "veliku privatizaciju" preduzeća i kojim sredstvima intervenirati na eventualnu pojavu viška zaposlenih nakon privatizacije?
5. Kako obezbijediti sredstva za elementarno održavanje komunalne infrastrukture i njeno proširenje (rasvjeta, vodovodi, putevi, mostovi itd.), pogotovo na seoskim područjima?
6. Kako riješiti pitanje nove stanogradnje i sanacije devastiranih stambenih objekata u cilju brže i kvalitetnije provedbe imovinskih zakona i omogućavanje povratka izbjeglih i raseljenih osoba.

Postojanje kvalitetnih odgovora po ovim i drugim pitanjima vezana su isključivo za materijalna sredstva kojih očito nedostaje i za koja u narednom periodu ne postoje čvrsti izvori.

Programska opredjeljenja u narednom periodu limitirana su tim faktorom, a Program rada Općinskog načelnika Zavidovići u 2001. godini može se u kratkim crtama svesti na:

1. U narednom periodu dužnu pažnju posvetiti sanaciji Budžeta Općine Zavidovići uz intenzivnije aktivnosti na razrezu u naplati obaveza koje proizilaze iz Zakona o porezima i Odlukom o porezima građana.

Sam čin sanacije pretpostavlja male mogućnosti značajnijih izdvajanja budžetskih sredstava za investicione radove i u tom smislu intenzivirati aktivnosti na ulaganja slobodnih investicionih sredstava uz pripremu uslova za bržu realizaciju tih ulaganja počev od eliminisanja administrativnih i drugih ograničenja i stvaranje takvog okruženja koje će privući kapital.

2. U skladu sa tačkom jedan favorizovati ulaganja u proizvodna zanimanja i zanimanja koja utiču na veći broj zaposlenih.

3. Efikasnost u radu službi organa uprave i odgovornost službenika i namještenika organa uprave podići na viši i kvalitetniji nivo. Ovo je permanentna aktivnost koja će tražiti i značajnije angažovanje pomoćnika načelnika i rukovodilaca odjeljenja.

4. U okviru rješavanja određenih potreba sačiniti njihove prioritete i u tom smislu sa konkretnim idejnim i drugim rješenjima nastojati obezbijediti sredstva putem kantonalnih, federalnih i drugih organa ili preko institucija međunarodne zajednice i humanitarnih organizacija.

5. Finansiranje općinskog organa i ostalih korisnika vršiti u skladu sa Budžetom Općine Zavidovići uz provođenje mjera štednje i preispitivanja načina i uslova finansiranja pojedinih budžetskih korisnika.

6. Nastojati u odnosima preraspodjele sredstava između kantona i općine obezbijediti pretpostavke da se obezbijede pravičniji odnosi u toj preraspodjeli ili da u uslovima preuzimanja nadležnosti Vlada Kantona preuzme i zaposlene radnike.

Ovih nekoliko pitanja je okosnica Programa rada u narednom periodu uz dalje elaboriranje određenih detalja.

II – PRIVREDA

U odnosima nadležnosti državnih organa u ovoj oblasti Općini su ostavljene veoma male nadležnosti, međutim, privredni život IP "Krivaje" i ostalih državnih preduzeća svoje neposredne efekte daju na našem području pa smo sa tog stanovišta izuzetno zainteresovani za tu problematiku.

Istaknuta činjenica recesije privrednih tokova određenih sistema i preduzeća, niski i neredovni lični dohoci, niska akumulativnost, zaustavljene investicije, te stagnacija ostalih ekonomskih pokazatelja ne mogu državne organe ostaviti po strani iz proste činjenice što od tih efekata ovisi cjelokupan život na općini. U tom smislu organi i tijela Općine Zavidovići moraju se angažovati na stvaranju ambijenta za razvoj privrede u cjelini, za razvoj i ostalih komponenti rada, uz iznalaženje načina za brže upošljavanje uz poštivanje svih zakonskih pretpostavki.

Posebnu pažnju, a u okviru nadležnosti Općine, treba usmjeriti na stvaranje uslova za brži razvoj privatnog poduzetništva gdje se u okviru zakonskih propisa mogu iznaći pojednostavljeni i jeftiniji načini otvaranja prvenstveno proizvodnih radnji i preduzeća.

Istaknuta činjenica nepostojanja "vizije" razvoja za duži period nameće potrebu izrade planskih dokumenata u smislu izrade "strategije razvoja", ili neke druge vrste ili naziva dokumenta kojim će se odrediti prioritete u interesima općine i čime se moraju uokviriti aktivnosti i ulaganja u te prioritete i ujedno eliminisati sva nastojanja vanrednih ulaganja mimo dogovorenih prioriteta.

Insistiranje na ovom dokumentu pretpostavlja uvođenje reda u ponašanje svih relevantnih faktora na općini Zavidovići, a pogotovo to pretpostavlja veći angažman i odgovornost općinskog organa, Općinskog načelnika pa i Općinskog vijeća.

U prethodnom periodu nisu iskorištene sve mogućnosti koje su bile na raspolaganju, nisu obezbijedena kvalitetna sredstva za ulaganja u revitalizaciju procesa rada u IP "Krivaja", "ZIKO" i ostala preduzeća, nisu kvalitetno niti u dovoljnoj mjeri iskorištena raspoloživa sredstva za razvoj poljoprivrede, nisu iskorištene mogućnosti razvoja trgovine koje su nam pružali raspoloživi skladišni prostori.

Konstatovat, a ne poduzimati aktivnosti vodit će nas u dalju stagnaciju, a sama konstatacija da je na našem području malo subjekata koji na zdravim ekonomskim osnovama mogu pokrenuti privredni život zahtjeva od svih struktura, svih nosioca funkcija dodatni angažman na postepenom stvaranju pretpostavki i uslova za brži razvoj koji se mora zasnivati na kvalitetnim i postepenim mjerama u sanaciji dosadašnjih retrogradnih kretanja i obezbjeđenja osnove budućeg razvoja.

Ovim programom apostrofiraju se dvije oblasti mogućeg razvoja gdje značaj organa i subjekata na općini mogu kvalitetnije doći do izražaja i gdje se u izvjesnom smislu bez većeg ulaganja mogu postići značajniji rezultati, a to su zanatstvo i poljoprivreda.

Postojanje "velikih sistema" u mnogim sredinama radi obezbjeđene egzistencije umrtvljivalo je poduzetničke aktivnosti u zanatstvu i poljoprivredi, što je u ovom periodu na površinu izbacilo nizak nivo inventivnosti privatnog sektora zanatstva, a poljoprivredu ostavilo na najnižem nivou ektenzivnosti bez ikakvih tržišnih viškova.

Okončanjem "velike privatizacije", privatni kapital uz uslov iznalaženja strateškog kupca, će tražiti i vjerovatno iznaći puteve interesa i tu su uticaji ove općine manji, pa se otvaraju veće šanse za usmjeravanje snaga i sredstava u razvoju privatnog poduzetništva i poljoprivrede.

U tom smislu treba u okviru strategije razvoja općine seperatno obraditi mogućnosti razvoja privatnog poduzetništva i programski opredijeliti vrste djelatnosti, lokacije i ostale parametre vezano za ovu problematiku uz izradu instrumenata koji će favorizovati proizvodne u odnosu na uslužne djelatnosti.

U oblasti poljoprivrede kroz rad Odsjeka za poljoprivredu i drugih institucija na općini, a u skladu sa klimatskim uslovima, pedološkim karakteristikama zemljišta i drugim elementima poljoprivrednu proizvodnju bazirati na jednoj ili dvije oblasti i dugoročno educirati seosko stanovništvo na intenziviranju proizvodnje u oblasti voćarstva i stočarstva. U ovoj godini Općinskom vijeću će se predočiti informacija o doniranim i kreditnim sredstvima u poljoprivredu od 1995.godine do danas sa brojem stočnih grla i poljoprivrednim mašinama koje su date pojedincima.

Destruktivne pojave u oblasti komunalnih djelatnosti punim angažovanjem nadležnih inspekcija, pripadnika Policijske uprave, edukativnim djelovanjem obrazovnih institucija i drugih struktura pod hitno treba sanirati.

Neprimjeren odnos prema životnoj sredini pogotovo na seoskim područjima, pored ružne slike stvara pretpostavke za pojavu epidemija, a sadašnji odnos prema šumskom bogatstvu i vodotocima plaćat će generacije iza nas i to drastičnije i sa nesagledivim posljedicama.

Programom komunalne higijene i mjerama koje će proizici iz njega pod hitno se mora mijenjati odnos prema životnoj sredini, a rigoroznijom kontrolom sječe šume i obaveznog pošumljavanja u optimalnom periodu nastojat će se sanirati štete u privatnom i državnom šumskom fondu.

U oblasti stambene izgradnje ovo Vijeće treba da donese odgovarajuće akte kojima će se stimulisati individualna stambena izgradnja kroz izgradnju porodičnih kuća ili stanova za tržište i stanova u programu nadzidavanja.

Isto tako Vijeće se mora angažovati na prevazilaženju problema vodosnabdijevanja iz gradskog vodovoda, a posebno se treba angažovati na normativnom regulisanju seoskih vodovoda jer u ovom momentu se pojavljuju problemi nedostatka vode, stihijskom dovođenju voda ili problemima vodovoda uz MZ Vožuća, Pašin konak, Rujnica itd.

U kratkim crtama data su programska opredjeljenja za djelovanje u oblasti privrednih djelatnosti, što ne znači da se u raspravi po ovom Programu rada Općinsko vijeće ne može opredijeliti za dodatne stavove.

III – DRUŠTVENE DJELATNOSTI

U okviru društvenih djelatnosti, a saglasno nadležnosti Općine, kao osnivača aktivnosti u okviru raspoloživih materijalnih sredstava treba usmjeravati na stvaranje uslova za nesmetano odvijanje osnovne djelatnosti institucija ove oblasti.

Stanje objekata obrazovanja je na zadovoljavajućem nivou, a u narednom periodu aktivnosti treba usmjeriti na rekonstrukciju područnih škola u Smailbašićima i Poljicu.

U saradnji sa humanitarnim organizacijama i Kantonalnom ministarstvu obrazovanja, neophodno bi bilo pokušati iznaći sredstva za opremanje kabineta ogledne nastave. U ovoj godini u saradnji sa Regiom Breša izvršit će se zamjena kotla centralnog grijanja u Općoj gimnaziji.

U oblasti kulture konačno bi trebalo poduzeti nužne korake u aktiviranju rada kulturno-umjetničkih društava. Stimulisati manifestacije kulturnog sadržaja u osnovnim i srednjim školama, osmisliti manifestacije na seoskim područjima i Dom kulture privesti sadržajno i u potpunosti kulturi uz uvažavanje potreba ekonomskog poslovanja ove institucije. Amaterskom radu sa dugorčnim ciljevima treba posvetiti dužnu pažnju uz razvijanje navika za konzumiranje kulturnih sadržaja.

U oblasti zdravstva nastaviti uzlazni trend razvoja uz dalji razvoj preventivne zdravstvene zaštite i Higijensko-epidemiološke službe, a posebnu pažnju posvetiti edukaciji stanovništva na uslove i načine življenja i opasnosti po zdravlje koje ti uslovi determinišu.

Značaj sporta počev od omladinskog do takmičarskog je u poslijeratnom periodu zanemaren što je dovelo do potpune stagnacije, do gašenja pojedinih klubova i veoma loših rezultata u klubskom sportu.

Napuštenu praksu općinskog, školskog takmičenja treba bolje organizovati i reaktivirati jer se na taj način otkrivaju talenti i eventualni budući ligaški takmičari.

Neophodan je angažman uprava klubova, općinskog organa i privrednih subjekata na iznalaženju kvalitetnijih izvora finansiranja vrhunskih sportista i klubova, jer vrhunski rezultati pomažu i društvu i pojedincu.

U oblasti društvenih djelatnosti uopće su prisutne tendencije koje su vezane za stanje privrednih djelatnosti i iskazani nepovoljni rezultati u poslovanju privrede direktno se odražavaju na stanje u društvenim djelatnostima.

Stanje Budžeta i potreba njegove sanacije uticat će da korisnici Budžeta u određenom periodu neće moći računati na dosadašnja sredstva pa je za očekivati teškoće u narednom periodu. Te teškoće oštro se mogu manifestovati prvenstveno na kategorije stanovništva u stanju socijalnog staranja.

U okvirima mogućnosti i potreba nastavit će se saradnja sa općinama i gradovima u okviru saveza općina i gradova BiH, sa humanitarnim organizacijama, kantonalnim i federalnim organima i sa drugim organima i organizacijama.

IV – ZAKLJUČNA RAZMATRANJA

U uslovima stabilnih privrednih i društvenih uslova Program rada Općinskog načelnika sigurno bi sadržavao niz konkretnih stavova i opredjeljenja koji bi vodili unaprijeđenju ukupnog stanja i odnosa na općini, a u domenu nadležnosti Općinskog načelnika.

Nesigurni uslovi poslovanja, nedefinirani odnosi u političkom i ekonomskom smislu uslovaljavaju i sadržaj ovog Programa.

Program rada mora se posmatrati u kontekstu Programa rada Općinskog vijeća kojim su obuhvaćeni programi rada službi za upravu, te takav treba da posluži kao osnova rasprave iz koje treba da proizidu kvalitetni prijedlozi koji će poboljšati kvalitet istog i obavezati Općinskog načelnika i službe za upravu na poduzimanje aktivnosti na prevazilaženju postojećeg stanja.

Programska opredjeljenja bilo kojeg subjekta mogu ostati na nivou deklarativnog i formalnog polemisanja pod uslovom da izostane jedinstvo svih subjekata i svih pojedinaca na općini u ostvarivanju postavljenog cilja.

V – Program rada Općinskog načelnika objaviti u “Službenom glasniku općine Zavidovići”.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš., s.r.

Broj: 01-05-124
Datum, 1.2.2001.godine

Na osnovu člana 55. stav 16., a u vezi sa članom 124. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 11. sjednici od 1.2.2001.godine donijelo je

O D L U K U

o obrazovanju Drugostepene komisije koja će rješavati po žalbama izjavljenim protiv prvostepenih rješenja i drugih prvostepenih pojedinačnih akata Općinskog načelnika

Član 1.

Ovom Odlukom obrazuje se Drugostepena komisija koja će rješavati po žalbama izjavljenim protiv prvostepenih rješenja i drugih prvostepenih pojedinačnih akata Općinskog načelnika (u daljem tekstu: Komisija).

Član 2.

Komisija ima predsjednika i dva člana.

Članovi Komisije su iz reda zaposlenih u općinskim službama i iz reda vijećnika u Općinskom vijeću Zavidovići.

Član 3.

Predsjednik Komisije mora biti diplomirani pravnik sa najmanje tri godine radnog iskustva u organima uprave i zaposlen u organima uprave.

Član 4.

U Komisiju se imenuju:

1. VUKOVIĆ DŽENANA, dipl.pravnik – predsjednik,
2. MIROSLAVA ZVEKIĆ, dipl.politolog – član,
3. ĐERZIĆ ALMASA, prof. – član,

Član 5.

Ako su članovi Komisije rješavali u prvom stepenu, imaju pravo tražiti izuzeće.

O izuzeću člana Komisije odlučuje predsjednik Komisije, a o izuzeću predsjednika Komisije odlučuje Općinski načelnik.

- 8 -

Član 6.

Ako je član Komisije izuzet od odlučivanja u drugom stepenu, njega će zamijeniti lice sa istom školskom spremom o čemu odluku donosi predsjednik Komisije.

U slučaju izuzeća predsjednika Komisije, istog će zamijeniti lice sa istom školskom spremom o čemu odlučuje Općinski načelnik

Član 7.

Komisija radi u punom sastavu.

Odluke donosi većinom glasova.

Član 8.

Stručne i administrativne poslove za potrebe Komisije obavljat će Služba Općinskog vijeća. Općinskog načelnika i službi za upravu.

Član 9.

Članovima Komisije pripada naknada.

Visina naknade utvrđuje se u iznosu od 30 KM po jednoj sjednici Komisije.

Član 10.

Odluka stupa na snagu prvog narednog dana od dana objavljivanja u "Službenom glasniku općine Zavidovići".

Član 11.

Ovom Odlukom prestaje da važi Odluka broj 01/3-49-498 od 31.3.1999.godine.

OPĆINA ZAVIDOVIĆI
OPĆINSKO VIJEĆE

Broj: 01-34-91
Datum. 1.2.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 55. i člana 110. Statuta općine Zavidovići ("Službeni glasnik općine Zavidovići", broj 2/99). Općinsko vijeće Zavidovići na 11.sjednici od 1.2.2001.godine, donijelo je

O D L U K U

o pristupanju asocijaciji-distriktu za zajedničko upravljanje čvrstim otpadom

Član 1.

Općina Zavidovići pristupa asocijaciji – distriktu za zajedničko upravljanje čvrstim otpadom unutar općina Tešanj, Usora, Doboj Jug, Maglaj, Žepče i Zavidovići i prihvata Finalni izvještaj IMG (International management group) o formiranju međuopćinske institucije za upravljanje čvrstim otpadom.

Član 2.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Fuad Berberović, s.r.

Broj: 01-05-220

Datum, 1.2.2001.godine

Na osnovu člana 90. stav 2. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine Federacije BiH", broj 13/98) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 11. sjednici od 1.2.2001.godine donijelo je

RJEŠENJE

o imenovanju Drugostepene disciplinske komisije općinskih službi za upravu

I

U Drugostepenu disciplinsku komisiju općinskih službi za upravu imenuju su:

- SINANOVIĆ REMZO, dipl.pravnik – predsjednik
- SINANOVIĆ AMIRA, dipl.pravnik – član,
- VUKOVIĆ DŽENANA, dipl.pravnik – član,
- ŠABANOVIĆ FADIL, VŠS – član,
- MUHIĆ ŠEMSUDIN, dipl.pravnik – član.

II

Rješenje stupa na snagu danom donošenja, a objavit će se u "Službenom glasniku općine Zavidovići".

III

Ovim Rješenjem stavlja se van snage Rješenje o imenovanju Drugostepene komisije općinskih službi za upravu broj 01-49-498 od 18.3.1999.godine i Rješenje broj 01/3-49-1996 od 18.10.1999.godine.

OPĆINA ZAVIDOVIĆI
OPĆINSKO VIJEĆE

Broj: 01-34-90
Datum, 1.2.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

II – AKTI OPĆINSKOG NAČELNIKA

- 11 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 01/1-34-95

Datum, 9.1.2001.godine

Na osnovu člana 12. Odluke o osnivanju i djelokrugu općinskih službi za upravu Općine Zavidovići ("Službeni glasnik općine Zavidovići", broj 3/99) i člana 123. Statuta općine Zavidovići ("Službeni glasnik općine Zavidovići", broj 2/99), Općinski načelnik Zavidovići, dana 9.1.2001.godine, donio je

RJEŠENJE

o ovlašćenjima rukovodioca službi za upravu i drugih službi

I

Rješenjem o ovlašćenjima rukovodioca službi za upravu i drugih službi (u daljem tekstu: Rješenje), određujem ovlašćenja za rukovodioca službi za upravu i drugih službi u okviru nadležnosti koje su propisane Odlukom o osnivanju i djelokrugu općinskih službi za upravu Općine Zavidovići ("Službeni glasnik općine Zavidovići", broj 2/99), Odlukom o obrazovanju i djelokrugu Službe Općinskog vijeća, Općinskog načelnika i službi za upravu ("Službeni glasnik općine Zavidovići", broj 4/99), zakonom, statutom i ovim rješenjem.

II

Rukovodioci službi za upravu i drugih službi donosit će i potpisivati rješenja i druge pojedinačne akte kojima se u upravnom postupku rješava o pravima, obavezama i pravnim interesima fizičkih i pravnih lica u prvom stepenu kada službe za upravu rješavaju na osnovu općinskih propisa.

III

Rukovodioci službi za upravu i drugih službi donosit će i potpisivati rješenja i druga pojedinačna akta kojima se u upravnom postupku rješava o pravima i obavezama i pravnim interesima fizičkih i pravnih lica u prvom stepenu rada službe za upravu rješavaju na osnovu federalnih i kantonalnih propisa.

- 12 -

IV

Rukovodioci službi za upravu i drugih službi donosit će i potpisivati sve akte koji proizilaze iz međusobnih odnosa organa službi za upravu i drugih službi istog nivoa vlasti i neposredno višeg nivoa vlasti.

V

Rukovodioci službi za upravu i drugih službi donosit će i potpisivati sve akte koji proizilaze iz rada službe za upravu i drugih službi.

VI

Rukovodioci službi za upravu i drugih službi donosit će i potpisivati i akte koje su date posebnim zakonima u nadležnost službama za upravu i drugim službama.

VII

Općinski načelnik donosit će i potpisivati rješenja o ocjenjivanju radnika (član 51. Zakona o radnim odnosima i plaćama službenika i organa uprave u Federaciji Bosne i Hercegovine), a u drugom stepenu po prigovoru službenika odlučivat će Općinski načelnik. Prijedlog za ocjenjivanje službenika daje pomoćnik načelnika ili drugi rukovodilac.

VIII

Rukovodioci službi za upravu i drugih službi donosit će i potpisivati akte kojima pokreću disciplinski postupak zbog lake povrede službene dužnosti i teže povrede službene dužnosti. Udaljenje iz službe donosit će rukovodilac službe za upravu i druge službe. Općinski načelnik zadržava i sebi pravo udaljenja službenika iz službe.

IX

Rukovodioci službi za upravu i drugih službi, kada odlučuje o zaduženju sredstvima Budžeta, prethodno su obavezni pribaviti pismenu saglasnost Općinskog načelnika.

X

Rješenje stupa na snagu danom donošenja, a objavit će se u "Službenom glasniku općine Zavidovići".

OPĆINSKI NAČELNIK

Selvedina Uljić, dipl.ing.maš., s.r.

- 13 -

Na osnovu člana 14. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine Federacije BiH", broj 13/98). Općinski načelnik Zavidovići dana 11.01.2001.godine, donio je

RJEŠENJE

o obrazovanju Komisije za sprovođenje konkursa i oglasa u općinskim organima uprave i službama

I

Obrazuje se Komisija za sprovođenje konkursa i oglasa u općinskim organima uprave i službama (u daljem tekstu: Komisija)

II

U Komisiju imenujem:

- ŠIBONJIĆ MUHAMED, dipl.pravnik – predsjednik,
- STARČEVIĆ ŠEMSUDIN, VSS – član,
- KARAHASANOVIĆ NIJAZ, dipl.pravnik – član,
- REMZO ŠOGOLJ, dipl.ing.geod. – član,
- KATARDŽIĆ ZUHRA, SSS – član i sekretar Komisije.

III

Komisija je dužna po završetku konkursa ili oglasa utvrditi listu kandidata koji ispunjavaju uslove konkursa, odnosno oglasa za prijem u radni odnos.

Utvrđenu listu Komisija dostavlja Općinskom načelniku.

IV

Komisija odlučuje većinom glasova od ukupnog broja članova Komisije. O radu, Komisija vodi zapisnik kojeg potpisuju svi članovi Komisije.

V

Rješenje stupa na snagu danom donošenja, a objavit će se u "Službenom glasniku općine Zavidovići".

VI

Ovim Rješenjem stavlja se van snage Rješenje broj 01-111-31 od 6.7.1998.godine.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj:01/1-34-88

Datum, 11.01.2001.godine

OPĆINSKI NAČELNIK

Selvedina Uljić, dipl.ing.maš., s.r.

- 14 -

Na osnovu člana 90. stav 1. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine Federacije BiH", broj 13/98), Općinski načelnik Zavidovići dana 11.01.2001.godine, donio je

RJEŠENJE

o imenovanju Prvostepene disciplinske komisije u službi za upravu

I

Imenujem predsjednika i članove Prvostepene disciplinske komisije u službi za upravu Općine Zavidovići, u sastavu:

- KARAHASANOVIĆ NIJAZ, dipl.pravnik – predsjednik Komisije,
- MUHIĆ MINKA, VŠS – član,
- VELIĆ MILI, dipl.ing. – član.

II

Rješenje stupa na snagu danom donošenja, a objavit će se u "Službenom glasniku općine Zavidovići".

III

Ovim Rješenjem stavlja se van snage Rješenje broj 01/1-34-434 od 4.3.1999.godine.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš., s.r.

Broj:01/1-34-89

Datum: 11.01.2001.godine

Na osnovu člana 9. Pravilnika o načinu pregleda umrlih i načinu utvrđivanja vremena i uzroka smrti ("Službene novine FBiH", broj: 15/2000) te člana 122. Statuta općine Zavidovići ("Službeni glasnik općine Zavidovići", broj: 2/99) Općinski načelnik Zavidovići dana 18.01.2001. godine, donio je

ZAKLJUČAK

o utvrđivanju visine naknade za pregled umrlih, utvrđivanje uzroka i vremena smrti, osoba umrlih izvan zdravstvene ustanove na području općine Zavidovići

I

Ovim zaključkom utvrđuje se visina naknade za pregled umrlih, utvrđivanje uzroka i vremena smrti osoba umrlih izvan zdravstvene ustanove na području općine Zavidovići, kao i visina naknade putnih troškova, koji pripadaju licima ovlaštenim za pregled umrlih osoba – mrtvozornicima.

II

Visina naknade za pregled umrlih osoba i utvrđivanje uzroka i vremena smrti osoba umrlih izvan zdravstvene ustanove, po mjesnim područjima na području općine Zavidovići iznosi:

- | | |
|----------------------|------------|
| - područje grada | - 15,00 KM |
| - područje van grada | - 20,00 KM |

III

Naknada putnih troškova (vozna karta) pripada ovlaštenim licima za pregled umrlih lica izvan zdravstvene ustanove prema cijeni voznih karata u javnom saobraćaju, te priloga voznih karata na uvid nadležnom organu.

- 16 -

IV

Naknada iz tačke II i III ovog zaključka isplaćivaće se sa budžeta općine Zavidovići – "Transfer za utvrđivanje smrti lica umrlih izvan zdravstvene ustanove" na žiro račune lica ovlaštenih za pregled umrlih osoba- mrtvozornika.

V

Isplata naknade iz tačke II i III ovog zaključka vršiće se putem Službe za upravu društvenih djelatnosti i opću upravu Zavidovići, a na osnovu uredno dostavljenih obračuna i dokaza o izvršenim pregledima umrlih lica.

Ovjeru obračuna vršiće Služba za upravu društvenih djelatnosti i opću upravu.

VI

Danom stupanja na snagu ovog zaključka prestaje da važi Zaključak o utvrđivanju visine naknade za utvrđivanje uzroka smrti, lica umrlih izvan zdravstvene ustanove na području općine Zavidovići broj: 01-50-16 od 21.04.1997. godine.

VII

Ovaj zaključak stupa na snagu danom donošenja, a objaviće se u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK

Broj: 01/1-14-4577
Dana: 18.01.2001. godine

Selvedina Uljić, dipl.ing.maš., s.r.

Na osnovu člana 65. Statuta općine Zavidovići ("Službeni glasnik općine Zavidovići", broj 2/99), Općinski načelnik Zavidovići dana 18.2.2001. godine, donio je

ZAKLJUČAK

1. Urbanistička saglasnost izdata na određeno vrijeme za izgradnju privremenih poslovnih objekata produžava se na period do privođenja prostora namjeni, koju definišu regulacioni plan područja na kome se nalazi objekat, a najduže do 31.12.2001. godine.
2. Odrdba iz tačke 1. ovog uputstva odnosi se na sve privremene poslovne objekte koji se nalaze u urbanom dijelu grada Zavidovići.
3. Ugovori o zakupu gradskog građevinskog zemljišta radi izgradnje privremenih poslovnih objekata, kojima ističe rok na koji su zaključeni, produžuju se pravnim i fizičkim licima koja pribave urbanističku saglasnost na lokaciju, dokažu da su izmirili svoje obaveze zaključeno sa 31.12.2000. godine i zadovoljavaju ostale uvjete prema Zakonu o građevinskom zemljištu.
4. Produžavanje urbanističke saglasnosti i odobrenja za građenje izgrađenih objekata vršit će se za objekte za koje se podnesu zahtjevi za produženje do 15.02.2001. godine, a ukoliko se privremeni korisnici građevinskog zemljišta ne pojave sa zahtjevom i ne izvrše produženje izdatih odobrenja, smatrat će se da nemaju odobrenje i objekti će biti uklonjeni.
5. Od produžavanja urbanističke saglasnosti izuzimaju se privremeni poslovni objekti duž ulice "Patriotske lige", od raskršća sa ulicom Gazi Husref-begova i raskršća sa ulicom Safvet Bega Bašagića.
6. Za primjenu ovog uputstva odgovorni su pomoćnik načelnika Službe za upravu geodetskih poslova i katastar nekretnina i pomoćnik načelnika Službe za upravu privrednih djelatnosti.
7. Uputstvo stupa na snagu danom donošenja, a bit će objavljeno u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
elvedina Uljić, dipl ing maš., s.r.

Na osnovu člana 12. i člana 91. tačka 4; 5; 7; 10; 12; 14. i 17. Zakona o veterinarstvu ("Službene novine FBiH", broj 46/2000) i člana 65. Statuta općine Zavidovići ("Službeni glasnik općine Zavidovići", broj 2/99). Općinski načelnik Zavidovići na sjednici Kolegija održanoj 2.2.2001.godine, donio je

P R O G R A M

MJERA ZA ZDRAVSTVENU ZAŠTITU ŽIVOTINJA U 2001.GODINI NA PODRUČJU OPĆINE ZAVIDOVIĆI

I

Na osnovu navedenog Zakona, a u cilju otkrivanja i sprečavanja zaraznih oboljenja životinja kao i bolesti koje se mogu prenijeti sa zaraženih životinja na ljude sukladno epizootiološkom stanju i stupnju ugroženosti od zaraznih bolesti kao i činjenice da su držaoci životinja niskog standarda i da je Veterinarska stanica formirana kao Javno preduzeće od strane Općine, donosi se Program mjera za zdravstvenu zaštitu životinja u 2001.godini na području općine Zavidovići.

II

Programom se utvrđuju veterinarsko-sanitarne mjere za suzbijanje određenih bolesti, i izvori finansijskih sredstava za pokriće troškova realizacije Programa.

III

Radi sprečavanja, suzbijanja i iskorjenjivanja naročito opasnih zaraznih bolesti životinja, utvrđuju se posebne veterinarsko-sanitarne mjere za pojedine bolesti i to:

AKTIVNOSTI KOJE BI SE FINANSIRALE IZ BUDŽETA OPĆINE :

1. BRUCELOZA GOVEDA - /ZARAZNI POBAČAJ/

a/ Opis bolesti :

Riječ je o opasnoj zaraznoj bolesti koja se prenosi sa životinja na ljude ZOOÑOZA .

Manifestuje se kod goveda u 5 - 6 mjesecu steonosti, kao i zaostajanjem posteljice placente po oteljaju. Uzročnik je vrlo virulentna bakterija *Brucella melitensis*, *Brucella abortus* i *Brucella suis*.

Infekcija se prenosi prirodnim skokom, mlijekom zaraženih i idiconosnih krava, dijelovima pobačenog fetusa, plodnim vodama i placentom. Kod ljudi bolest izaziva trajni sterilitet i pobačaje.

Bruceloza se dokazuje mikrobiološkim laboratorijskim ispitivanjem krvi, mlijeka i pobačenog fetusa.

Učestali slučajevi abortusa - pobačaja u 5 - 6 mjesecu graviditeta kod krava i novopridošlih junica na područjima uz Krivaju, Gostović, Pašini Konaci, Vozuća, što opravdano ukazuje na mogućnost prisustva Bruceleze / zarazni pobačaj / kod krava, što može izazvati pored ekonomsko-gospodarske štete te smanjenja stočnog fonda i sterilitet kod ljudi i pobačaj kod trudnica. Opravdanost rada u suzbijanju i iskorjenjivanju ove zarazne bolesti je samim tim što se ova bolest uvrštava u listu O I E , odnosno oboljenje od posebnog interesa za Federaciju.

b/ Mjesto ispitivanja :

Vršit će se na područjima odakle se otkupljuje mlijeko kao tržišni višak .Najveći broj proizvođača mlijeka i mliječnih proizvoda koji dolaze na zavidovičku tržnicu upravo je sa tih područja, a to su su sljedeći lokaliteti : Dolina, Alići, Džebe, Ridžali, Majdan, Mećevići, Grab, Krčavine, Podubravlje, Dubravica, Potklečje, Pašini Konaci kai i na području MZ Vozuća, gdje se mliječni proizvodi koriste u internoj upotrebi i međusobnoj razmjeni.

Vađenje krvi na brucelozu će se izvršiti kod krava i steonih junica na sabirnim mjestima.

Broj ispitanih grla je cca 1000 grla

e/ Vrijeme izvršenja MART - OKTOBAR 2001. godine

d/ Izvršioi aktivnosti : diplomirani veterinar

Serološko ispitivanje na brucelozu po 1 plotkinji iznosit će 18 KML, u što je uključeno popis stočnog fonda - plotkinja i junica, podjela po živa u dva navrata, vađenje krvi, slanje uzoraka krvi na Zavod za zarazne bolesti Univerziteta u Sarajevu ili Veterinarskog zavoda Zenica, te laboratorijska analiza krvnih seruma.

Napomena:

Serološki ispitati 1000 grla stočnog fonda po 18 KML

1000 x 18,00 KML	18,000 KML
20 % snosi Općina , po 1 grlu	3,600 KML
80 % snosi vlasnik grla , po 1 grlu	14,400 KML

2. VIJEŠTAČKO OSJEMENJAVANJE

a. Opis rada

Ovo je najznačajnija mjera za unapređenje stočarstva te se predlaže participacija troškova umjetnog osjemenjavanja iz budžeta općine i to 50% općina, kao i u toku 2000. godine.

b. Mjesto vršenja akcije:

Cijelo područje općine Zavidovići - u Veterinarskoj stanici, Veterinarskoj ambulanti - Vozuća, i u domaćinstvu stranke.

c. Nosilac aktivnosti :

Veterinarska stanica - Zavidovići.

d. Potrebna novčana sredstva :

Cijena umjetnog osjemenjavanja po 1 kravi u ambulanti je 32,00 KM.

- 50 % snosi općina - 16,00 KM.

- 50 % snosi vlasnik - 16,00 KM.

Uz cijenu osjemenjavanja na terenu se dodaju i troškovi prevoza i kućne posjete u iznosu od 10,00 KM., koje plaća stranka.

e. Napomena : Za ponovno osjemenjavanje plaća se 25% cijene osjemenjavanja, tj. 8,00 KM., plaća vlasnik za sjeme i cijenu kućne posjete (10,00 KM.).

- Predviđa se 400 osjemenjenih krava.

400 krava plotkinja x 16,00 KM. = 6400,00 KM./

Za ovu akciju neophodna je nabavka jednog vozila, jer postojeće vozilo je staro 15 godina i njegovo održavanje zbog čestih kvarova, Veterinarska stanica svojim skromnim sredstvima nije u stanju više da održava, te je sada van upotrebe. Naša višegodišnja nastojanja i apel za pomoć od strane općine da nam se pomogne u nabavci novog vozila nije urodila plodom. Prinudeni smo zaobavljanje redovne aktivnosti, na intervencijama, da ukažemo stranci da sama obezbijedi prevoz, što dovodi do zastoja u poslu i nepotrebnog gubitka vremena.

3. OBILJEŽAVANJE GOVEDA - PLOTKINJA I JUNICA

Radi otkrivanja, sprečavanja i iskorjenjivanja zaraznih i parazitarnih oboljenja i kontrole prometa goveda, ovaca, koza, svinja i konja, provodi se obavezno obilježavanje.

Predviđa se obilježiti 1000 grla plotkinja i junica ušnim markicama.

- 1000 grla x 2,00 KM. = 2.000,00 KM.

- 50 % budžet Općine 1.000,00 "

- 50 % vlasnik grla 1.000,00 KM.

Obilježavanje će se vršiti na grlima ispitanim na brucelozu.

4. MASTITIS

Upala mliječne žlijezde - čest slučaj oboljenja kod krava u ekstezivnom uzgoju. Uzročnici u 95 % slučajeva su bakterijske infekcije te pogodujući faktori - vlaga, nepravilna ishrana, neravan pod u staji, propuh, smanjenje otpornosti organizma, omogućavaju ulazak bakterija streptokoka i stafilokoka kroz sisni kanal koje izazivaju upalu mliječne žlijezde.

Prema toku razvoja bolesti dijele se na : akutne, subakutne i hronične upale, a prema tome koje je slojeve mliječne žlijezde upala zahvatila, dijelimo ih na kataralne , ako je upalni proces zahvatio sluznicu mliječnih kanala i alveola, flegminozne ili parenhimatozne, ako su upalnim procesom zahvaćeni svi slojevi alveola ili intesticijske ako je upalni proces zahvatio intesticijske mliječne žlijezde. Prema promjenama na mliječnoj žlijezdi, izdvajamo gnojne mastitise, aktinomikozu vimena, gljivičaste mastitise itd.

- Dijagnoza mastitisa -

Postavljamo je kliničkim pregledom životinje i pregledom mliječne žlijezde, uključujući pregled mlijeka na podlozi.

Etiološku dijagnozu postavljamo bakteriološkom, odnosno kulturalnom pretragom sekreta mliječne žlijezde.

Jedan od najpouzdanijih metoda dijagnoze mastitisa je mastitis test - CMT - Šalmov test, koji promjenom boje ukazuje na promjene PH mlijeka, a promjenom konzistencije na prisustvo leukocita u mlijeku , tj. kod mastitisa PH mlijeka, najčešće je od 6,6 - 7,6.

Kod mastitisa karakteristična je promjena na mlijeku koje može biti vodenasto, žućkasto, krvavo ili gnojno, a vimena je otečeno, bolno, crveno, temperirano, dok je produkcija mlijeka smanjen ili skroz prestaje.

Liječenje možemo vršiti lokalno, tj. aplikacijom lijekova kroz sisni kanal ili parenteralno antibioticima i sulfadimidinima .

Da bi se na vrijeme dijagnosticirali različiti oblici mastitisa a time izbjegle velike gospodarske štete u stoci i produkciji mlijeka, neophodno je na vrijeme dijagnosticirati bolest primjenom Mastitis testa koji se na Zapadu sa intezivnim razvojem stočarstva rutinska akcija koja se sprovodi tri puta godišnje.

Mastitis test bi se izveo uz akciju vadenja krvi na brucelozu i obilježavanje krava ušnim markicama.

Cijena koštanja po 1 plotkinji je 7,00 KM.

Predviđa se izvršiti Mastitis test na 1000 grla plotkinja , 1000 x 7,00 KM. =7.000,00 KM., od toga troškove Mastitis testa snosi vlasnik plotkinje.

B. MJERE ZA ČIJE SPROVOĐENJE BI TROŠKOVE SNOSILI VLASNICI ŽIVOTINJA

1. INFEKTIVNA ANEMIJA KONJA

Serološka pretraga uzoraka krvi kopitara obavlja se :

- jednom godišnje, najkasnije do 31. oktobra na šumskim radilištima, kao i uzgojima sa više od 10 kopitara zajedno:

- kod pastuha prije licenciranja;
- kada se kopitari dovode na izložbe, smotre, sportska natjecanja i opasivanja u ergelama;
- kada se kopitari stavljaju u promet.

Izvršioći posla: radnici Veterinarske stanice i stručni saradnici Zavoda za veterinu kantona.

Uzimanje uzoraka izvršit će se na području šumskih radilišta, u domaćinstvima i na sabirnim mjestima.

Broj konja obuhvaćenih ovom mjerom je cca 100 grla uglavnom lokalizovanih na područjima: Pašin Konak, Rujnica, Brezik i Vozuća.

2. BJESNILO - LISSA

Zarazna bolest - Zoonoza koja se prenosi na ljude. Oboljevaju sve vrste domaćih i divljih životinja. Uzročnik je virus, koji se prenosi ujedom bijesnih životinja. Bjesnilo se manifestuje kao agresivno i tuho bjesnilo. Agresivno bjesnilo je prepoznatljivo, životinja slini, ujeda, luta do zadnjeg stadija paralize i ugiba. U tom stanju bolesna životinja pretrči 40-50 km, te se bolest prenosi za kratko vrijeme na šire područje.

Atipični tip bjesnila, izostaju ovi simptomi životinja slini, uplašenog pogleda, paraliza i uginuće. Za ovu bolest nema lijeka. U sklopu vakcinacije bjesnila provest će se mjere dehelmintizacije pasa i mačaka.

Na našem području već postoji opravdana bojazan za pojavu bjesnila - Lisse, te širenja parazitarne bolesti - pasje pantljičare, *Echinococcus granulosus*, zbog prisustva velikog broja pasa litalica na urbanom području općine i u samom gradu. Ova pojava je naročito izražena u zimskim mjesecima. a posljedica je njihove svakodnevne migracije iz seoskih domaćinstava u grad, jer nesavjesni držaoci pasa zbog nemogućnosti ishrane istih, dovode u grad, gdje bivaju ostavljeni, radi lakše ishrane, prepušteni sami sebi, postaju litalice i stalna opasnost po djecu i građane.

- Vakcinisat će se cca 300 pasa

- Cijena vakcinacije po 1 psu koju snosi vlasnik iznosi: 15,00 DM.

popis i podjela poziva, transport i rad radnika Veterinarske stanice, vakcina i sredstvo protiv endoparazita/

3. AUJECKY BOLEST SVINJA, KUGA I VRBANAC SVINJA, ZARAZNI RAHITIS I DRUGE ZARAZE SPECIFIČNE U OVOJ VRSTI ŽIVOTINJA

U cilju sprečavanja ovih zaraza preduzimat će se opće veterinarsko-sanitarne mjere, preventivno cijepljenje životinja starijih od tri mjeseca, te redovna kontrola prometa životinja, proizvoda, sirovina i otpadaka na stočnim pijacama, klaonicama i drugim mjestima;

U slučaju pojave zarazne bolesti - zaraze - izvršit će se ubijanje svih svinja u zaraženom dvorištu, te neškodljivo uklanjanje ubijenih životinja.

4. ATIPICNA KUGA PERNATHI ŽIVOTINJA

U cilju sprečavanja ove bolesti sprovodit će se stalna imuno-profilaksa: zaštitno cijepljenje - okulonazalna metoda sve pernate živine dva puta godišnje (proljeće-jesen), kao i pri nabavi novokupljene peradi.

5. KUGA GOVEDA I KONJA, AFRICKA KUGA SVINJA, SAKAGIJA I AFRICKI MALEUS, DURINA, SLINAVKA, ŠAP I DR.

Ove bolesti predstavljaju veliku opasnost za zdravlje životinja sa velikim pomorom, te zbog velikih posljedica koje mogu nastati neophodno je preuzeti sve mjere na obezbjeđenju uslova za brzo dijagnosticiranje, te determinaciju uzročnika i njegovu provenijenciju.

6. TRIHINELOZA

Zbog mogućnosti pojave oboljenja ljudi od trihineloze, vršiti permanentno trichinoskopski pregled mesa zaklanih domaćih svinja kao i odstrijeljenih divljih svinja.

- Izvršioci posla: radnici Veterinarske stanice i stručni saradnici Zavoda za veterinu kantona;

- rad će se obavljati u Veterinarskoj stanici;
- troškove snosi vlasnik životinje po cjenovniku Veterinarske stanice.

7. BOLEST PČELA I RIBA

Kuga pčela, askaroza, nozemoza i varooza pčela i bolesti riba. Mjere će se sprovoditi u koordinaciji sa Udruženjem pčelara Zavidovići.

8. SREDSTVA ZA SLANJE SUMNJIVOG ORGANSKOG MATERIJALA NA DIJAGNOSTIČKE PRETRAGE

I ove godine će se ukazati potreba radi tačnog dijagnosticiranja zaraznih bolesti, pokazaće se realna potreba za slanjem najmanje 50 uzoraka, gdje će biti neophodna stručna laboratorijska usluga dijagnostičkog instituta, Veterinarskog fakulteta ili Veterinarskog instituta - Zenica.

1. Za rad radnika Veterinarske stanice / sekcija životinja, nabavka opreme za slanje materijala, transport - 50,00 KM po uzorku na teret stranke.

2. Usluge dijagnostičkog instituta Veterinarskog fakulteta i Veterinarskog laboratorija Zenica, po cjenovniku istih.

**PREGLED AKTIVNOSTI NA PROVOĐENJU MJERA ZDRAVSTVENE ZAŠTITE
ŽIVOTINJA NA PODRUČJU OPĆINE ZAVIDOVIĆI ZA 2001. GODINU KOJE BI SE
FINANSIRALE IZ BUDŽETA OPĆINE I STRANKE**

r/b	aktivnost	mjesto izvođenja	period	izvršioi aktivnosti	vrsta i broj životinja	potrebna novčana sredstva	novčana sredstva iz budžeta Općine	troškovi vlasnika životinja
1.	BRUCELOZA	punktovi i štale	mart oktobar	dipl. veterinari	plotkinja i junica 1000	18.000 KM. 1000x18,	3.600 KM. 1000x3,6 20%	14.400 KM. 1000x14,4 80%
2.	VJEŠTAČKO OSJEMENJAVANJE	punktovi i štale	cijela godina	dipl. veterinari	plotkinja i junica 400	12.800 KM. 400x32,0	6400 KM. 400x16	6400 KM. 400x16
3.	OBILJEŽAVANJE-MARKIRANJE	punktovi i štale	cijela godina	dipl. veterinari	1000 grla	2000 KM. 1000x2,0	1000 KM. 1000x1,0 50%	1000 KM. 1000x1,0 50%
4.	MASTITIS TEST	punktovi i štale	cijela godina	dipl. veterinari	plotkinja i junica 1000	7000 KM. 1000x7	-	7000 KM. 1000x7,0

**REZIME POTREBNIH SREDSTAVA ZA PROVOĐENJE PROGRAMA MJERA
ZDRAVSTVENE ZAŠTITE ŽIVOTINJA ZA 2001. GODINU**

	Sredstva budžeta Općine	Sredstva vlasnika životinja
1. BRUCELOZA	3.600 - 20%	14.400 - 80%
2. VJEŠTAČKO OSJEMENJAVANJE	6.400 - 50%	6.400 - 50 %
3. OBILJEŽAVANJE -MARKIRANJE	1.000 - 50%	1.000 - 50 %
4. MASTITIS TEST	-	7.000 - 100%
Ukupno:	11.000 KM.	28.800 KM.

Cijena akcije dijagnostike na brucelozu , i markiranje po 1 grlu iznosi 20,00 KM.

Cijena vještačkog osjemenjavanja po 1 grlu iznosi 32,00 KM.

- 25 -

IV

Stručnu primjenu navedenih mjera vrše JP "Veterinarska stanica" Zavidovići i Zavod za zarazne bolesti Veterinarskog fakulteta Univerziteta u Sarajevu i Veterinarskog instituta Zenica.

V

Obzirom da se radi o provođenju zakonom propisanih mjera za sprečavanje, suzbijanje i iskorijevanje naročito opasnih zaraznih bolesti i parazitarnih bolesti životinja, općinski organi, JP "Veterinarska stanica" i držaoci životinja dužni su sve mjere efikasno i blagovremeno izvršiti.

VI

Nosilac realizacije Programa za zaštitu životinja u 2001. godini na području općine Zavidovići je JP "Veterinarska stanica" Zavidovići, koja je obavezna obavijestiti držaoce životinja o mjestu i vremenu provođenja pojedinih mjera predviđenih ovim Programom.

Nadzor nad realizacijom ovog Programa vršit će kantonalni veterinarski inspektor koji u okviru svojih nadležnosti pored Programom predviđenih mjera, može propisati i druge mjere zaštite u skladu sa zakonskim propisima.

VII

Finansijska sredstva za realizaciju Programa za zdravstvenu zaštitu životinja obezbijedit će se iz budžeta Općine Zavidovići i iz vlastitih sredstava držalaca životinja. Isplata finansijskih sredstava realizatoru ovog Programa izvršit će se na osnovu priložene dokumentacije: (izvještaja o izvršenoj akciji, nabavnoj fakturi materijala za rad, kontrole provođenja mjera od strane općinskih organa).

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK

Selvedina Uljić, dipl.ing.maš., s.r.

Broj: 01/1-24-125

Datum, 2.2.2001. godine

S A D R Ž A J**I – AKTI OPĆINSKOG VIJEĆA**

1. PROGRAM RADA Općinskog načelnika za 2001.godinu	1
2. ODLUKA o obrazovanju Drugostepene komisije koja će rješavati po žalbama izjavljenim protiv prvostepenih rješenja i drugih prvostepenih pojedinačnih akata Općinskog načelnika	7
3. ODLUKA o pristupanju asocijaciji-distriktu za zajedničko upravljanje čvrstim otpadom	9
4. RJEŠENJE o imenovanju Drugostepene disciplinske komisije općinskih službi za upravu.....	10

II – AKTI OPĆINSKOG NAČELNIKA

1. RJEŠENJE o ovlaštenjima rukovodioca službi za upravu i drugih službi	11
2. RJEŠENJE o obrazovanju Komisije za sprovođenje konkursa i oglasa u općinskim organima uprave i službama	13
3. RJEŠENJE o imenovanju Prvostepene disciplinske komisije u službi za upravu	14
4. ZAKLJUČAK o utvrđivanju visine naknade za pregled umrlih, utvrđivanje uzroka i vremena smrti, osoba umrlih izvan zdravstvene ustanove na području općine Zavidovići	15
5. ZAKLJUČAK Općinskog načelnika o izdavanju-produženju urbanističke saglasnosti	17
6. PROGRAM mjera za zdravstvenu zaštitu životinja u 2001.godini na području općine Zavidovići	18